

Cenuto Mariz Alonso Ortega

Ovatio a pertura Vallisoletana

Universitatis

Valladolid, 1839

G-F 15119



+ 167115  
C 71214983

R.201042







# ORATIO

IN

SOLEMNI STUDIORUM APERTURA

VALLISOLETANÆ UNIVERSITATIS

Habita

ā D. D. D. Canuto Maria Alonso  
Ortega.

Historie et Literaturæ Profesore

XV KAL. NOV. ANN. DOM. M.DCCCXXXIX



VALLISOLETI APUD TYPOGRAPHIAM NOVAM.

1837

*Magnum latini sermonis sacramentum, magnum projectum est numen, quod apud peregrinos, apud barbaros, apud hostes sancte ac religiose per tot sœula custoditur.*

LAUR. VALLA.

et nunc ratiōne occupat omnes corporis  
cibos et cibas. Ita pueri adhuc in hunc  
etiam eorum usus iuris iurando. Et cibas  
et cibas sibi rursum aripa pater  
eripit aripa cibas. Quod et cibas non  
estimantur hincq; sive, quod cibas est hinc  
estimantur. Tunc iuris iurando. Iuris  
**A**dvenit tandem tempus illud, am-  
plissimi atque ornatissimi Viri, quo,  
post diurnam animi quietem ex ve-  
teri instituto concessam, ad solitos la-  
bores redire juvat: juvat hanc mihi  
circumfusam ac siti scientiarum fla-  
grantem, cupidam veræ ac solidæ lau-  
dis et gloriæ lectissimorum juvenum  
in hoc augustissimo consessu coronam  
intueri: juvat aliquid ex nobis pro-  
mere, quo eorum honestissimi atque  
dignissimi conatus adjuvari posse vi-  
deantur.

Hac de causa, partes meas peractu-  
rus non litteras, non scientias omnes  
in præsenti laudare intendo: satis jam  
eruditissimi viri ex hoc ipsomet loco  
id ornate copioseque fecerunt, cum

insuper nemo usque eo perfictæ frontis sit ut illas nunc vituperare audeat; neque ad eas cohortari eos necessarium videatur, quos illarum studiis deditos esse constat. Viam indicare qua quis ad eas facile ac certe possit pervenire omni huic orationi est propositum: hoc decet, hoc mihi expedire videtur. Seio, dum hoc facio, quidam decursum jam à se et confectum curriculum agnoscent, alii quod iter ad scientias politioresque ferat disciplinas, me monstrante percipient.

Hoc consilio, de utilitate ac præstantia et necessitate linguæ latinæ verba apud vos facere constitui. Non enim nisi máximo cum animi mœrore et indignatione quadam video quod, dum cultiores omnes Gentes Nationesque de illius studio et intelligentia gloriantur, ita in nostra Hispania jam jaceat ac sordeat ut obsoleuisse et propemodum evanuisse possit affirmari. Ob hoc, nedum scientiarum omnium ipsa fundamenta convelli et labefacteri, sed etiam ingenuis cæteris artibus magnum ac la-

mentabile detrimentum afferri nec nemo videt. Eoque magis illud est admiratione dignum, quod speciales valdeque vehementes causæ nobis insunt ut, in latina lingua pernoscenda plurimun operæ et studii collocemus. Vos, ad me, qua soletis, audiendum benignitate et attentione satis vestrante sponte paratos esse confido.

Omnibus est notum historiam hujus regni per septem sæculorum haud breve spatium ipsammet esse romanam. Sub Romæ imperio tam longo tempore Hispani cum fuissent, non solum leges et mores, verum etiam ejus linguam assumpsere. Hujus rei argumento nobis esse possunt Lucanus et Martialis, Columela, Quintilianus, duo Senecæ, Silius Italicus, Pomponius Mela, Juvencus et Prudentius, aliquique multi qui, quamvis Hispani, latino sermone peregriegie scripserunt, nam hoc tunc temporis erat idioma inter nostrates receptum. Nullum dubium est quin deinceps et cum Gothorum et cum Arabum sucessiva domi-

natione multas ac varias alterationes subiit; sed quomodocumque fuerit minimé propter hoc non affirmandum vernacula lingua, quam nunc loquimur, ex latina iminediate derivari; adeoque hoc verum est, ut frustra unam tantum periodum efformare connemur in qua verba latina prorsus non sint; omnia ferme polysyllaba hujusmodi sunt. Quapropter, etsi non alia adducti ratione quam ab origine percognoscendi vernaculum idioma, ad illius studium nos addicere valde est necessarium; nam si aliter facimus, originem veriloquium et derivationem vocum innumerum queis quotidie utimur non poterimus non ignorare; quod equidem facilimē probare possem, si superfluum et haud necessarium non existimarem. Maneat ergo firmum et fixum dum linguae latinæ vacamus in propriæ studio versamur, ejusque viscera fructuosè exquirimus.

Accedit hūc alia longe gravissima causa quæ in illius studio debeat nos incendere. Ea est quæ gentes populos-

que omnes omnibus bonis artibus quæ liberales vocantur, instituit; optimas leges edocuit; viam ad omnem sapientiam munivit; quæ denique præsttit ne amplius barbari dici possent.

Si eam bene non intelligimus, nulla in scientia cui operam demus, neque multum proficere, neque minus excellere poterimus; earum enim omnium fundamenta ac incunabula latiné nobis sunt mandata: præcipui eximioresque libri in quibus consignantur, latiné sunt scripti: latino sermone sua peregredia opera ediderunt Vives et Bacon, Antonius Augustinus et Melchior Cåo, Descartes et Newton, Sydenham et Boerhaave, Grotius, Pufferdorf, Leibnitz, Wolfius et Heinnecius, ut alios heroas prætermittam. Si bibliotecas omnes exquiritis et perscrutamini earum multó maximam partem occupatam videbitis operibus voluminibusque latino sermone confectis, omni cognitionum genere afflentibus, et in queis non solum luminoſæ ac præclaræ sed etiam perutiles in-

veniuntur doctrinæ notitiæque quas pertractare crebroque considerare nobis opus est; quod quidem ab eo qui latiné nescit fieri non posse satis pro comperto est.

Si singulatim scientias omnes percurritis magis ac magis latini sermonis cognitionis præstantia apparebit. Non de iis qui Theologiæ sacrisque artis, aut Canonum scientiæ dicantur loquar, hos enim nisi latino idiomate versatos, nihil prosum in illis efficere nemo unus hoc nescit. Sed quomodo quæso, qui Jurisprudentiæ Civilis operam navant honesté tempus impendere in eaque proficere possunt, si latinam linguam non callent? nec prout debitum est comprehendere interpretarique jus Romanum poterunt, cuius leges sanctionesque omnes latiné sunt redactæ, nec fieri potest ut fructum, quem debent et possunt percipiunt ex singularibus exquisitiæque tot tantorumque Jurisconsultorum percellentibus operibus et Auctorum, in quibus, quidquid contra leviter asseratur

haud parvum est et studendum et dis-  
cendum, quæque tamquam si non es-  
sent iis sunt qui eas traducere ne-  
queunt.

Sed quid multa? si rem bene per-  
pendamus inveniemus, sententiam ve-  
terum dicentium latinam linguam  
clavem esse scientiarum, admodum  
certam veramque esse, cum maxime  
nos experientia doceat, sine ejus cog-  
nitione nemo Sapientis, nemo Orato-  
ris, nemo Eruditus nomen merito sit  
adeptus. Hocque non ambitiose dictum  
videbimus, si attente consideramus il-  
lam per viginti seculorum lapsum lin-  
guam communem fuisse et universalem  
qua sapientiores omnes homines æta-  
tum omnium ac Gentium usi fuere: et  
re vera, nulla alia meliora ad hoc ju-  
ra, nec tam bene constituta potest alle-  
gare. Nihil mirum igitur quod Scien-  
tiarum depositum, altrix, conservatrix  
que ab aliquo sit appellata. Ea porro  
est qua ubique gentium utuntur in  
ædificiis monumentisque publicis per-  
petuandis, in monetis aut numisma-

tibus, et ea denique et per eam posteritati, etsi remotissimæ, illorum qui de se bene meruerint virorum trasmititur memoria. *Magnum ergo latini sermonis sacramentum est, magnum profecto numen, quod apud peregrinos, apud barbaros, apud omnes sancte ac religiose per tot sæcula est custoditum.*

Sed quamvis hoc omne præmittatur, aliæ haud leves et necessitatis, et oblectamenti et jucunditatis causæ sunt ob quas plurimum refert linguam, quam mundi dominatores sermocinabantur, scire. In ea peradmirandi illi ingenii fœtus atque opera, tam pede vincto quan soluto condita, reperiuntur, quæ semper fuere, omniq[ue] tempore erunt pro norma et exemplo omni generum scriptorum habita et habenda. Illic elegantiæ sedem, litterarum domicilium, eruditio[n]isque emporium omnes uno consensu docti esse confitentur.

*Potestne aliquis, qui latine sciat, quem natura, vel ignavia summa, vel consuetudo non abjectum mortalem*

fecit, non jucundé inter Virgilios et Horatios, Tibullos et Ovidios, Juvenales et Terentios, Cicerones et Cæsares, Livios et Tacitos, Sallustios Pliniosque et totum illum chorū, homines sua quemque virtute maximos, alios etiam summum quod habet mortalitas, fortunarum fastigium consecutos, versari, jam ad hunc, jam ad aliū accedere, interrogare illos, et numquam ab illis nisi aliqua parte vel eruditior discedere vel melior?

Si ex Latinis Scriptoribus neminem præter laudatos haberemus, et constat esse alios qui in idem album referri queant, sed si hos solos haberemus, justissima tamen mihi causa videretur cur ad eos intelligendos ejus linguam avide disceremus: videntur enim immensitate quadam ingenii omnem rerum naturam complexi, non tantum supra suos coævos extitisse, sed etiam posteris omnem consequendi sui spem sustulisse.

*Quis cum Virgilio potest comparari? Nemo correctione, harmonia at-*

que dulcedine præstantior. *¶* Ubi elegias tam mœrentes, molles ac decoras quam in Tibullo inveniemus? Nihil de Horatio loquar cuius existimatio ac celebritas quanto plus sese ab origine deflectit, instar fluminis suas aquas latissimè porrigentis, eo plus extenditur: nihil de Cicerone, quo, ut ait Gravina, *nemo est auctior in elocuentia, et in omni sermonis elegantia locupletior, nemo splendidior, nemo uberior, nemo in omni eruditio ne celebrior; nemo denique de quo cum tot laudes sint diffussæ, minus tamen pro il lius dignitate sit dictum.* Sed *¶* quid de T. Livio dicam? *lacteam ubertatem ei nos ter Quintilianus tribuit, eumque incomparabilem dicit, cum in narrando miræ jucunditatis, clarissimique candoris: tum in concionibus supra quam narrari potest eloquentem; ita dicuntur omnia cum rebus tum personis accomodata;* sed affectus quidem, præcipue eos qui sunt dulciores, ut parcissimè dicam, *nemo historicorum magis commendavit.* (1)

Et *¶* quid denique de Tacito? in eo

---

(1) Lib. 2. cap. V.

nihil difluens, nihil inane, nihil redundans; singulis sæpe verbis singulæ sententiæ continentur.

Sed non vos tenebo pluribus: nemo eorum omnium omnino invenitur qui in qualibet materia et sub qualibet forma non ejus lectori valde placeat. Hic propter sublimitatem trahimur, et elationem raptamur; illic novitate percutimur: in omnibus vero naturæ hominis ejusque affectuum intima cognitio detegitur: in omnibus ingenuitas et simplicitas, cum singulari leprore ac venustate supra omnem imitationem excellentibus. Merito et quasi inspiratione quadam afflatus de suis carminibus Horatius ajebat: (1)

Exegi monumentum ære perennius,  
Regalique situ pyramidum altius;  
Quod non imber edax, non Aquilo impotens  
Possit diruere, aut innumerabilis  
Annorum series, et fuga temporum.  
Non omnis moriar, multaque pars mei  
Vitabit Libitinam: usque ego postera  
Crescam laude recens. . . . .

. . . . .

---

(1) Carminum Lib. 3. od. 30.

Quod de se Venusinus loquebatur non nisi exacta justitia aliis Urbis æternæ Scriptoribus potest applicari. Sui procul dubio nominis celebritas ita firmissimis nititur fundamentis ut, neque minui, neque frangi hominum libidine aut opinionum inconstantia ullo modo possit; nam minime alius cujusque Regionis Eruditorum consensu munitur, corruptorum videlicet, aut falsissimis locorum vel temporum præjudiciis, neque affectione quorundam qui inane aut parvum tanquam præstantius et expetendum maxime nobis afferre cupiunt: non mehercle: fulcitur nempe superiori auctoritate, multorum sæculorum universalis consensu probationibus explanato, ex rectæ mentis immutabilibus legibus proveniente, atque ab iis omnibus comprobato, qui animum dotibus illis præditum habeant, quibus ad rerum naturalium, pulchrarum et sublimium contemplationem moveantur.

Videtis igitur cur illorum lectio in litterarum studio semper et ubique

fuit adolescentibus tantopere commen-  
data, tanquam maxime idonea non  
modo ad eos erudiendos, verum ad  
capiendum etiam atque efformandum  
saporem illum optimum, quem per-  
magni comparare refert ac servare.  
Et rectissime quidem, quoniam in  
dubium vocari nequit neminem ne-  
que Oratorem, neque Scriptorem, ne-  
que Criticum posse appellari, quin prius  
ad regularum artis studium excitetur,  
quæ veluti rationis sententiæ sunt, ad  
nullum fere majoris momenti nego-  
tium animum potest adhibere, quam  
ad eas regulas pervolutandas, magnopere  
que cognoscendas illorum assidua  
pertractatione librorum.

His rationibus ductus novissimus  
quidam Angliae Scriptor assēdere non  
dubitat » tum demum evolvendos esse  
ac perlegendos optimæ notæ Latinos,  
quotiescumque in hominibus floreat  
suavissima litterarum humaniorum  
jucunditas et delectatio; et si quando  
illi contemnerentur, hoc certe tristis-  
simum esset signum, et quidem veris-

simum, humanum genus in magna desipientia versari, temporisque attigisse proximitatem in quo nova barbaria scientias omnes violaret, humanaque mentem ignorantiae tenebris denuo præsertim obrueret." (1)

Quid ergo, nobis dicendum est in tanto totiesque reprehendendo illorum Scriptorum contemptu, quem ob oculos habemus? Agedum, vitemus hujusmodi perniciem, quæ mea quidem Sententia originem præcipue ducit ex ignorantia linguæ latinæ: nam, profecto, quidam nesciunt hujusmodi libros scriptos unquam fuisse; quæ contineant alios omnino fugit, quoniam linguam in qua scripti fuere non intelligunt, vel quia eam non didicere, vel quia fere oblivioni tradiderunt.

An igitur causam cognoscere vultis ob quam plurimi recentium ætatum Scriptores diversis in seculis, regionibus et populis in litterarum republica adeo magnifice excelluerint? Biografiam ejus nempe legite, viam se-

---

(1) Kett. on general knowlegde,

quimini, rationemque circumspicite quam sibimet illi proposuerunt; et statim invenietis, eos profecto omnes sese in latinis sermonis studioplurimum operæ possuisse; tumque maxime Latinos evolvendos curarent, ex quo experientia et observatione docti fuere, ad naturam fideliter exprimendam illorum exemplum ac consilia esse necessario perpendenda. Hac via veteres illi ac recentes quos admiramus ac suscipimus sapientiæ proceres vulgo sese exemerunt; hac gradientes non modo flouerunt inter æquales suos, sed in omnem posteritatem nomen sibi ac decus immortale pepererunt. Hanc viam, inter alios, secuti apud nostrates fuere Garcilaso, Herrera, Rioja, Ludovicus Legionensis, Moratin, Jovellanos, Hermosilla: in Gallia Fellenon, Moliere, Racine, Boileau, Lamartine: in Anglia Milton, Addisson, Pope, Cowper: in Italia denique Tasso, Alfieri et Monzoni. Cujus autem ignaviae fuerit eos ut magnos quosdam ac præstantes viros laudare ac depræ-

dicare, et tamen marcescere otio malle quam ut eorum similes evadamus operam dare? Hos spectate, adolescentes, horum exemplum imitamini, horum de gloria dies noctesque cogitate, et ad eam exæquandam vires omnes adhibete.

Non me latet quod nonnulli ex illis pseudo litteratis qui, non sine injustitia quadam ac temeritate, præsenti ætati, in re litteraria, aureæ cognomentum tribuunt, latinam linguam proscribere, ab scholisque eliminare contendunt, nobisque suadere scientias omnes liberalesque disciplinas, quibus ad humanitatem informamur, ad perfectionis culmen illius oblivione et extinctione perduci; ita ut ejusmodi studium non solum inane et infrugiferum, verum perniciosum esse asserant, eo quod frustra tempus in latina lingua discenda impendatur. Sed, mira res! nemo hujusmodi eruditorum specimen nobis unquam præbuit suarum in latino sermone cognitionum; adeo ut fieri non potest boni judices sede-

ant in causa quam nec audiunt nec intelligunt. Qui hæc dicunt, si de sui tantum ingenii imbecillitate loquerentur, ferendi essent ex se ipsis alios metientes: his quidem rationibus non est respondendum; sufficiat illis notissimum illud repetere *quæcumque ignorant blasphemant.*

Alii autem cum non possint non confiteri permulta probatissima et laudatissima omnigenerum opera latine reperiri, minime ob hoc hujus idiomatis studio nobis opus esse, non dubitant affirmare, ex eo quod præcipua eximioraque ex eis in vernaculum sint translata. Hæc vero tam futilis atque aspernabilis opinio quæ, ex ore tantum illorum qui in scientiis ingenuisque artibus peregrini sint, potest audiri, duas erroneas continet sententias: prima, quod opera omnia latine redacta, majorum vigiliarum munera, hispane redita inveniuntur: secunda, quod idem admodum est versio unius operis ac ejus exemplar: quæ quidem omnia falsissima sunt.

In primis: haud multa, relative, opera esse ex latino idiomate ad recentia traducta satis constat, et ad nostrum per pauca, nemo unus hoc nescit. Secundo: difficilimum esse, penes impossibile, versionem qualemcumque exemplaris vices penitus implere posse, experientia liquet: quod variis ex causis procedit. Alias, sufficienter et prout decet, duo idiomata translator non cognovit: alias, quamvis hac dupli cognitione munitus, aut leviter, aut negligenter suo labore incubuit. Nunc translationis est prænimis fideliter facta, nunc justo solutior. Alias exemplaris epitome seu compendium, alias paraphrasis est versio. Augenturque præterea translationum difficultates et via, si, linguas omnes inter se natura sua ac essentia multum differre consideramus; peculiares enim cujusque sunt loquendi modus, inflexiones atque sintaxis. Transferantur flores quas Horatii aut Ciceronis pensiles ubertim proferunt in aliud haud appositum nec feracem solum, vel in frigidius clima,

earumque viror émarcescet, ineffabile illud colorum encantamentum scintillatioque ex oculis evolavit, earumque fragrantia evanescet.

Hac de causa, inter cæteras, eruditæ omnes verique docti Viri exterarum Gentium et Nationum in linguæ latiniæ studium toto pectore incumbunt. Nullibi tot tantæque latinorum librorum versiones quam in Germania, Italia, Anglia et Gallia; nullibi tamen majori sollicitudine ac cura latinum idioma studetur; neque hoc tantum, sed etiam græcum, quod inter nos [proh pudor!] ita ad nihilum recidit, ut extinctum quodam modo atque sepultum videatur. Et quid ita? Cur Nationes illas hoc in proposito imitari non aggredimur, cæteris cum in rebus eas æmulari omni opere annitamus?

Quantopere diversa ac commutata hujus rei est facies inter nos! Vix dum adolescentes nostri scholis eggrediuntur, in quibus ne quidem satis prout decet vernaculæ linguæ grammati-

calia principia docentur, cum latinæ studio operam dant. Haud multos post menses, ejus elementis utcumque perceptis, græca ne salutata quidem, et cum Cornelii Nepotis phrasim aut Ovidii dystichum perægre interpretari possunt, ad Philosophiam convolant. Hic, cum insuper mentali idoneitate propter valde suam teneram ætatem adhuc careant, nedum parum novi consequi possunt, sed quod pejus, quamvis expectabile, quia quod male discitur, cito oblivione conteritur, latinos libros abjiciunt, despiciatique habent, latinumque idioma pro nihilo ducunt. Hujuscemodi præculti ac comparati ad Jurisprudentiam civilem vel canoncam, aut ad Theologiam, vel mendendi artem festinant. Hic illud sæpe plerumque fit quod antea leviter annuntiavi, nempe, quod neque scientiæ amorem saturare, neque animum ejus tot tantisque variæ, amenæ, utilis, jucundissimæque pertractionis libris reficere possunt, qui et oblectamento, et admirationi, et exemplo om-

nium, imo quidem doctorum, quo-vis locorum omniisque tempore fuere: hisque doctrinæ præsidiis destituti, minime mirandum quod disciplinas humanioresque litteras adolescentes non combibant, optimæque notæ Auctores inconsulto stulteque damnentur.

Quæ cum ita se habeant, cumque nullum certius exitium ingenuis omnibus artibus adferri posse arbitrer, quam si linguae illæ quæ quasi sacraria quædam earum sunt, negligantur: cumque penitus sim persuasus, si adolescentes nostri illius negligentia perseverarint, litteris omnibus certissimam pestem ac perniciem immisnere, pro nostra in patriam pietate, et pro rei magnitudine, velut ex hoc loco libet adhortari, vos compello, amplissimi Viri, horum tractabilium adolescentium ductores atque Magistri, quibus labores nostri servire, quorum ad utilitatem omnes nostri conatus, omnes vigiliæ, omniaque nostra studia referri debent, vestrum est tam pergravi malo providere. Si auditores

qui vobis honori sint, haberé desideratis; si in hoc tam celebri scientiarum seminario cuius dignitatis custodia vobis est mandata, homines efformari concupiscitis qui, et illi orname-  
ntamento, et Patriæ gloriae sint, et utilitati: si in ea florescere ac vigere exoptatis disciplinas omnes, veramque il-  
lam et solidam eruditionem, cuius recta directio ac conservatio Reipublicæ  
tanti intersunt: si denique cultiorum omnium exterarum Gentium aut Na-  
tionum vestigia premere et tenere ex-  
pectatis, quantum potestis connitimi-  
ni, ut linguæ latinæ præstantiam ac  
necessitatem tyrones nostri sibi intime  
persuadeant, magnumque in ejus stu-  
dio laborem summa voluptate condiri.

Dixi.











